

**ILLOQARFIUP ILAANUT PILERSAARUT 1.24 NOORLIIT**

Noorlernut illoqarfiup ilaanut pilersaaruteqareerpoq, illoqarfiup ilaanut pilersaarut 1.24-imik.

Nunap tamatuma kulturikkut ilisarnaqutaa nunami tamatumani pinngortitaleriffimmik pilersitsinikkut ersarissavigerusunneqarpoq.

Illoqarfiup ilaanut pilersaarut taanna atorlugu sullis-sivimmik anginerpaamik 2000 m²-imik angissusilimmik, B-235-imik, Aalisakkanik Misissuivittut stationimik, ilaqartinneqartumik, pilersitsinissaq periarfissiivigineqarpoq. B-235 ingitserneqarsinnaavoq, tamanna siunissami sanaartornerup pissusissamisoorutunngortissappagu.

Illoqarfiup ilaanut pilersaarummut atasumik nunap tamatuma ilaanut killiliussat tamatuma peqatigisaanik Illoqarfimmut pilersaarut Nuuk 1985-1995, ilanngussaq nr. 12-imut, naapertuuttumik iluarsivigineqassaaq.

Illoqarfiup ilaanut pilersaarummut atapput kimmuk eqqaaveqarfiup eqqaani nuup kujarpasissuaniit entreprenordalimut kangimut sammernani. Tamaani nuna kangerluup tungaanut assigiikajaaginnarmik sivingajaajuvoq, sineriammut sammernani qattornit arlallit illutik.

Illoqarfiup ilaanut pilersaarutikkut qulakkeerneqassaaq nunap pissusimigut erlinnassusiata Noorliillu eqqaata oqaluttuarisaanikkut immikkut pissusiata piunnartinneqarnissaat. Nunaminertat motorilinnik angallaffigeqqusaanngitsutut uninngaarfiusussaannngitsutullu piginnarneqassapput, tamatumalu peqatigisaanik periarfissiisoqassalluni palasinnngornianut ilinniarfimmik, kiisalu B-235-imi sullissivimmik nutaamik, aaqqissuisoqarnissanut.

Illu B-5 nutaamik sananeqarsinnaavoq. Siunissaq ungasinerusoq eqqarsaatigalugu B-788 peerneqassamaarpoq, nunaminerlu sanaffigeqqusaanngitsumut ilanngunneqassalluni.

Eqqaaveqarfiup suliarisaanut atasumik pisariaqarneratut isertitsivimmuk B-233-imut pioreersumut atatillugu sana-soqarsinnaavoq.

Aqqusernit pioreersut aqutigalugit tamaanga ingerlasoqarsinnaavoq. Noorlerni anginnikkaluamik biilinut uninngaartarfiliortoqarsinnaavoq. Tjalfesvejip naqqanniffiani sullissiviup nutaap eqqaani nunaminernik biilit uninngaartarfissaannik naammattumik angissusilinnik qulakkerinnitsitsisoqassaaq. Tamaani pisuinnaat aqquataannik killilimmik sanasoqarsinnaavoq. Aqqusinertigulli angallaffissani nunaminerni qallersuusiinissaq pisariaqarnerpaaginnarmut killilerneqassaaq.

Illoqarfiup ilaanut pilersaarutip pilersaarusionermut
allamut tunngasumik attuumassuteqarnera.

Illoqarfiup ilaanut pilersaarutip 1.24-ip suliarineqarneranut tunngaviuvoq Illoqarfimmut Pilersaarut Nuuk 1985-1995 kiisalu tassunga atasumik ilanngutaq nr. 12.

Illoqarfiup ilaanut pilersaarut 1.24-imut atapput F2, C2, C4 aamma G1. Taakkununga aalajangersakkat makku aalajangersarneqarsimapput:

F2-mut

Atorneqarnissaa sullivimmut, eqqaaveqarfimmut, naatsorsuullugu aalajangersagaavoq.

Sanaat

Sullivimmut pisariaqartut illut pilersinneqarsinnaapput. Sulliviup eqqaaniittunut akornusersuinerit pinaveersinnissaannut illersuutissatut iliuusissat iliuuserinerineqassapput.

C2-mut

Atorneqarnissaa siunertanut tamanut atortunut, iliveqarfimmut, aalajangigaavoq.

Sanaat

Tamaani sanasoqarsinnaangilaq. Iliveqarfik angissutsi tamakkerlugu kaajallallugu issutalimmik qarmaqassaaq, taamatullu issutalimmik qarmanik naaneqanngitsunik pio-reersunik peqassalluni.

C4-mut

Atorneqarnissaa siunertanut tamanut atortunut, sullivimmut, aalajangigaavoq.

Sanaat

Nutaamik sanaassanut tunngavissat kiisalu sanaajoreersunik allanngortitsinissat- ilassusiinissallu illoqarfiup ilaanut pilersaarutikkut aalajangersarneqassapput.

G1-mut

Atorneqarnissaa nunamut sanaffigeqqusaanngitsumut aalajangigaavoq.

Sanaat

Illu B-788 allineqaqusaananiluunniit sanaqqeqqusaanngilaq. Nunamineq illumut atorneqartoq nunamut sanaffigeqqusaanngitsumut ilaatinneqassaaq. Illu B-5 isikkutoqqani atorlugu sanaqqinneqarsinnaavoq. Tamatuma saniatigut tamaani sanaanik nappaasoqassanngilaq.

Nunamernit sanaffigineqanngitsut

Nunamernit sanaffigineqanngitsut qattunersatik naasimnertillu il.il. pigiinnarlugit allanngutsaaliorneqassapput.

Nunap immikkoortui tamakkerlutik "Ajoqersuiartortitaqarfik Noorliit"-nut allanngutsaaliukkamut ilaatinneqassapput.

Illoqarfiup ilaanut pilersaarut naapertuuppoq Illoqarfimmut Pilersaarut Nuuk 1985-1995-imut, ilanngutaq nr. 12-imut, naapertuuppoq.

Illoqarfiup ilaanut pilersaarutitut siusinnerusukkut tamanut takusassiarineqartoq illoqarfiup ilaanut pilersaarutit matuma akuersissutigineqarneragut atorunnaasaaq.

Atortussaanera

Illoqarfiup ilaanut pilersaarut ullormit pilersaarutit inaarutaasumik kommunalbestyrelsimit akuerineqarluni tamanut takusassiarineqarneranit atuutilissaaq.

Nunaminermik atugassiineq, sananeq illumillu atuinissaq piffissamit taassumanga pilersaarummut naapertuuttusaaq.

Sananeq suugaluarlunniit sioqqullugu tamatigut sananisamat akuersissuteqarnissamat nunaminermik atugassiisoqartassaaq, taannalu kommunimit tunniunneqartassalluni. Sanaartornermi Sanaartornermut Nunatsinni Maleruagassat taamatullu illoqarfiup ilaanut pilersaarummi aalajangersakkat eqqortinneqassapput.

Innuttat periarfissaat

Illoqarfiup ilaanut pilersaarut 1.24 pillugu innuttat oqallinnerat pivoq piffissami 27.11.1991-imiit 08.01.1992-imut.

Piffissami uparuaasinnaatitaaffiusumi pisortani oqartusaniit annertuunik uparuaateqartoqarpoq, tamatumani pineqarlutik tamaani eqqumiitsuliornikkut- kulturikkullu qiterisaqarfiup inissinneqarnissaa aqqusinertigullu angallannermut tunngasut. Taakku saniatigut saqqummiunneqarpoq Aalisakkanik misissuivittut stationimik tamaani inissiinissamik sananissamillu kissaat.

Oqaaseqaatit uparuaatillu akuersaarneqarput.

A A L A J A N G E R S A K K A T

Kommunalbestyrelsip matumuuna aalajangersakkat inatsisartut peqqussutaat nr. 6 19. december 1986-imeersoq - inatsisartut peqqussutaagut nr. 1 18. juni 1987 allanngortinneqartoq - nalunaarummik nr. 25 9. november 1987-imeersumik, kommunini- aamma nunap ilaani pilersaarusi-ortarnermut tunngasumik ilaqartoq, naapertorlugu aalajangersarpai.

§ 1 Illoqarfiup ilaanut pilersaarutip siunertaa

Illoqarfiup ilaanut pilersaarutip qulakkiissavaa kujammut sineriaani nunap pissusimigut erlinnassusia aamma Noorliit oqaluttuarisaanikkut immikkut pissusia piunnartinneqarlutillu patajaallisaavigineqarnissaat, innuttallu tamakkuninnga atorluaasinnaanerat periarfississallugu. Illoqarfiup ilaanut pilersaarutikkutaaq Noorlarni palasinngornianut ilinniarfiup aaqquissuunnissaanut kiisalu Tjalfesvejip isuani pinngortitaleriffimmik sananissaq periarfissamik pilersitsissaaq.

Tamanna imaaliornikkut pissaaq:

nuna tamanna sanaffigeqqusaanngitsutut angallafittut aamma inuit silami anerasaartarfittut naatsorsuunneqarluni piunnartinneqassasoq.

nunamernit sanaffigineqaratik soqanngitsut oqaluttuarisaanikkut pitaminnik peqarlutik piunnartinneqassasut (Noorliit iliveqarfiat, eski-muut illukui).

Sanaat oqaluttuarisaanikkut, ilusiligaanermikkut avatangiisikkullu pingaarutillit piunnartinneqassasut.

Pinngortitaleriffimmik imaluunniit sullissivimmik allatut atugaasussamik sananissaq periarfissinneqassasoq, inissinneqarnermigut nunamut tamatumunnga imaluunniit nunap tamatuma atornerneranut tunngavissaligaalluassasoq.

§ 2 Illoqarfiup ilaanut pilersaarummi nuna

- 2.1 Illoqarfiup ilaanut pilersaarut ilanngutaq 1-imi takutinneqartutut killiligaassaaq.
- 2.2 Nuna illoqarfiup ilaanut pilersaarummi pineqartoq immikkoortumut G1-imut, inuit silami anerasaartarfittut siunertamut, immikkoortumut C4a-mut aamma C4b-mut, sullisiviliornermut siunertamut, aamma immikkoortumut C2-mut aamma F2-mut, pisortatut atugassatut siunertaannut, agguarneqassaaq.

§ 3 Nunap atorineqarnissaa

- 3.1 Immikkoortoq G1 nunaminertut sanaffigeqqusaanngitsutut inuit silami aneerasaartarfittut atorineqartussanngortitaassaaq. Nuna tamanna sanaffigeqqusaassanngilaq.
- 3.2 Immikkoortoq C4a sullissiviliorfissatut siunertamut, palasissanut ilinniarfiliorfissatut, atugassanngortinneqassaaq siunertaralugu sullissiviup ininik atuartitsivissatut- ilisimatuutullu mississuinerni sulinermut atugassanik pilersitsivigineqarnissaa.
- 3.3 Immikkoortoq C4b sullissiviliorfissatut siunertamut, pinngortitaleriffimmut, ilisimatuutut sulinermut assigisaannullu, atugassanngortinneqassaaq.
- 3.4 Kommunalbestyrelsip akuerisinnaavaa immikkoortumi C4b-mi sullissivimmut atasumik pisortamut illumik aqqissuisoqarsinnaanera.
- 3.5 Immikkoortoq C2 tamanut atugassatut, iliveqarfitut, atugassanngortinneqassaaq.
- 3.6 Immikkoortoq F2 tamanut atugassatut, eqqaaveqarfitut, atugassanngortinneqassaaq.

§ 4 Aqqusernit- pisuinnaallu aqqutaat

- 4.1 Nordre Herrnhutvej, Saqqarliit, Søndre Herrnhutvej aamma Tjalfesvej nunamut illoqarfiup ilaanut pilersaarummi pineqartumut aqqusiniupput.
- 4.2 Søndre Herrnhutvej taamaallaat immikkoortumut C2-mut, immikkoortumut C4a-mut, B-5-imut aamma B-248-imut, aqutigineqaqqusaavoq.
- 4.3 B-5-imut, Rævekøkkenet, aqqusinermit atasumik biilinit uningaarfissianik immikkoortoq C4a-mi illunik sanaaqarfimmi 100 m²-ikkaarlugit biilinit uningaarfissiamik 1-imik sanasoqarsinnaavoq.
- 4.4 Immikkoortoq C4b-mi sullissivinnik sanaaqarfimmi 100 m²-ikkaarlugit biilinit uningaarfissiamik 1-imik sanasoqassaaq.
- 4.5 Illoqarfiup ilaani pilersaaruserfiusumi kommunalbestyrelsip isumaa naapertorlugu illoqarfiup ilaanut pilersaarummi eriaginninnissamik siunertamut akerliunngitsumik annertussusilimmik pisuinnaat aqutaannik pilersitsisoqarsinnaavoq.
- 4.6 Illoqarfiup ilaani pilersaaruserfiusumi pisuinnaat aqutaannut biilillu unittarfiinut qallersuinerit pisariaqarnerpaaginnarmik annertussuseqassaaq.

- 4.7 Aqqusernit nunamernillu angallaffiusut allat taamaallaat qullernik qaammaqqusersorneqassapput, ilusiligaanermikkut inissinneqarnermikkullu eriagissassatut qanitatik naapertuuttuuffigissallugit.

§ 5 Sanaat annertussusissaat inissisimanerilu

Ilaa G1, sanaffigeqqusaanngitsoq

- 5.1 G1-imi nutaanik sanaartortoqassanngilaq.
- 5.2 B-788 allineqaqqusaananilu sanaqqeqqusaanngilaq. Nunamineq illup inissisimaffia sanaaffigeqqusaanngitsumut ilaatinneqassaaq.

B-5, rævekøkkenet, ilusitoqqani atorlugu sanaqqinneqarsinnaavoq.

C4a

- 5.3 Sanaat ilaattoqqinneqarsinnaanngillat.

C4b

- 5.4 Sullissivimmik anginerpaamik nunaminermik sanaffiusumik 2000 m²-inik angissusilimmik, illup portussusia 2½-imik angissusilimmik sanasoqassaaq.
- 5.5 Sullissivimmik nutaamik sanasoqarnerani B-235 ingitserneqarsinnaavoq, tamanna sanaassap pissusissamisoortuutissappagu.

C2

- 5.6 C2-mi sanaanik sanasoqarsinnaanngilaq.
- 5.7 Iliveqarfik kaajallugu angissutsimisut maannakkut issutalimmik naaneqanngitsunik qarmarisamisut ittunik issutalimmik qarmaqassaaq.
- 5.8 F2-mi taamaallaat sananeqarsinnaapput eqqaaveqarfimmut pisariaqartutut sanaat.
- 5.9 F2-mi taamaallaat pioreersunut attuumassutilimmik nutaamik sanaartortoqarsinnaavoq.

Ilassutitut illuliat portussutsimikkut illut pioreersut portussusiat qummut qaangersimassanngilaat.

Qaliat ilusaat pissutsinut atuuttunut naapertuuttungorsagaassapput.

§ 6 Sanaat silatimikkut pissusissaat

C4a

- 6.1 Sanaat illut ilusiligaanerisigut tamakkiisumik aaqtitatut pissuseqassapput, ilusiliinerillu qangaaniilli atorreqartut malillugit suliarineqassallutik, aamma atorutut qangaaniilli atorreqartut assingi atorlugit.

Kommunalbestyrelsip aalajangersarsinnaavai sanaat iluseqarnissaannut pissusissaannullu najoqqutassat.

C4b

6.2 Sanaat illut ilusiligaanerisigut tamakkiisumik aaqqitatut pissuseqassapput, avatangiisinut eqqaaniittunut naleqqussagaasutut.

6.3 Tamaani sanaartorneq taamaallaat tamatuma ataatsimoortumik tamakkiisumik pilersaarusionerqarnera kommunalbestyrelsimit akuersissutigisaasoq tunngavigalugu pissaaq.

Pilersaarutikkut nassuiaatigineqassapput:

Sanaat inissisimaffissaat aamma silami nunamernit aneersuarterfissat.

Illut ilusissaat, silataasa isikkui atortullu.

Ilassutitut sanaffiusinnaasut tamakkiisumik atornerarsinnaasut.

Nunagissaanissat.

Aqquusernit, biillinut uninngaartarfiit aamma pisuinarnut aqquusernit.

F2

6.4 Sanaat illut ilusiligaanerisigut tamakkiisumik aaqqitatut pissuseqassapput.

Qaliat pappialarsuarnik qernertunik qallersugaasapput.

Illut silataat sanaajoreersutut qalipaateqassapput (qalipaate qorsuk).

§ 7 Nunamernit sanaffigineqanngitsut

7.1 Nunamernit sanaffigineqanngitsut G1-imiittut pissutsimikkut qattornit naasullu allanngornagit piuinartinneqassapput.

Nunamernit qaartiterinikkut, immiinikkut, kuuffilinikkut il.il. allanngortinneqassanngillat.

Ungalunik allatulluunniit nalunaaqutsiinernik iver-tiisoqassanngilaq kommunalbestyrelse immikkut akuersisimatinnagu.

7.2 C4a-mi nunaminerni sanaffigineqanngitsuni aaqqis-suussinerit taamaallaat pisinnaapput pilersaarusi-at kommunalbestyrelsimit akuersissutigisaasut naapertorlugit.

7.3 F2-mi nunaminerni sanaffigineqanngitsuni torersumik isikkuliisoqassaaq.

Illuaqqat nuuttakkat, angallatit nuannaariutit il.il. tamaanga inissineqassanngillat.

Ungalunik allatulluunniit nalunaaqutsiinernik iver-tiisoqassanngilaq kommunalbestyrelse immikkut akuersisimatinnagu.

- 7.4 Kommunalbestyrelse piunasaqarsinnaavoq iliveqarfiup assigiiaartumik ungalulerneqarnissaanik.

§ 8 Sanaat atorineqarsinnaalernissaanut tunngavissat

- 8.1 Nutaanik sanaat illoqarfiup ilaanut pilersaarummi pineqartut iluanniittut atorineqalersinnagit nuna-mermit sanaffigineqarsimanngitsut avataaniittut nutaamik pilerseqqinneqassapput/suliarineqassapput.

§ 9 Teknikikkut sanaat

C4a aamma C4b

- 9.1 Imikoq igitaq kuuffinnut aqquserneqassaaq. Imeq nunap qaaniittoq, tassunga ilaalluni imeq qalia-neersoq, pisortat kuuffiutaannut ingerlatinneqassanngillat, imaalillugillu allamut ingerlatinneqassallutik sanaanut, aqqusinernut, pisuinnaat aqqu-taannut aamma nunaminernut sanaffigineqanngitsunut akornutaalissanatik.
- 9.2 Imermut- kuuffinnullu aqqusersuutit qaavisigut sanaffigineqassanngillat allatulluunniit qaavisigut matuneqassanatik.

Allannguissutaasinnaasut pissapput imermik pilersuivik- aamma imikumik kuuffeqarnermut isuma-ginniffik suleqatigalugit, sanatitsisumut akiligassanngortitassaasumik.

§ 10 Oqartussanit allaniit akuerineqarnissaq

- 10.1 Aalajangersakkat siuliiniittut apeqqutaatinngit pissutsinik, Inatsisartut peqqussutaanni nr. 5/1980, 16. oktober 1980-imeersumi, qanganitsanut eqqaassutissanut aamma illunut tunngasumi iluarsii-vigineqarsimasunik, kulturimut- atuartitaanermullu naalakkersuisoq akuersisimatinnagu, allanngortitsi-soqassanngilaq.

Malugeqquneqarput:

- a. Noorlernik eqqissisimatitassanngortitsineq pil-lugu nalunaarut 11. november 1948-imeersoq, Kalaallit Nunaanni qanganitsanut eqqaassutissat eqqissisimatitassanngortinneqartarnerannut tunngasoq.
- b. Illumik eqqissisimatitassanngortitsineq B-7-mik (illutavia Gedestaldilu).

**§ 11 Illoqarfiup ilaanut pilersaarusiap pisoqaanerup
atorunnaarsinneqarnera**


11.1 Illoqarfiup ilaanut pilersaarut 1.24
25.07.90-imeersoq siusinnerusukkut kommunalbesty-
relsimit akuersissutigineqartoq atorunnaarsinneqar-
poq.

§ 12 Akuersissutiginninnerit

12.1 Taamaalillugu akuersissutigineqarpoq Nuup kommunal-
bestyrelsianit ulloq 27.01.1992.

12.2 Taamaalillugu akuersissutigineqarpoq Namminersorne-
rullutik Oqartussanit ulloq 14.04.92

12.3 Illoqarfiup ilaanut pilersaarut 1.24 tamanut taku-
sassiarineqarpoq 30.06.93.



KORTBILAG 1, LOKALPLANKORT

..... LOKALPLANGRÆNSE

o-o-o-o-o DELOMRÅDEGRÆNSE

- - - - - FREDNINGSGRÆNSE

0 50 100m

